

Erabilgarritasun



12

2025eko uztaila

Pedagogia Pentsioetan

JARDUNBIDE EGOKIAK

DEMOGRAFIA

Prestazioak

Gizarte Aurreikuspeneko Sistemak

Kontingentziak

Bazkideak

Erakundeak

Txostenak eta azterlanak

Inbertsioak

Rankingak

**Euskal Autonomia
Erkidegoko
gizarte-aurreikuspen
osagarriaren
behatokia**



OGASUN ETA FINANTZA SAILA
DEPARTAMENTO DE HACIENDA Y
FINANZAS




2025eko lehenengo hiruhilekoa I trimestre 2025			
Planak dituzten BGAEak		EPSV con planes de previsión	
Bazkideak Socios/as	1.178.873 +1,2%	Ondarea Patrimonio	30.807 M € +4,1%
Enplegu-sistema Sistema de empleo	575.890 +3,3%	Enplegu-sistema Sistema de empleo	17.042 M € +4,4%
Ekarpenak Aportaciones	177,3 M € +3,4%	Prestazioak Prestaciones	216,7 M € -1,5%
Enplegu-sistema Sistema de empleo	110,2 M € +2,6%	Enplegu-sistema Sistema de empleo	146,8 M € +0,1%

2025eko lehen hiruhilekoan, BGAEen ondarea % 4,1 handitu zen

Aurreikuspen-planak dituzten BGAEen emaitzek bilakaera positiboa erakusten dute jarraipen-adierazle guztietan. Zehazki, 2025eko lehen hiruhilekoan, BGAEen ondarea 30.807 milioi eurora igo zen (+% 4,1, urte arteko tasan), ekarpenen gehikuntzan (+% 3,4) oinarrituta, 177,3 milioi eurora iritsiz, eta prestazioen bolumena 216,7 milioi euroan gelditu zen (-% 1,5). Bestalde, bazkideen oinarria 1.178.873 pertsonakoa da (+% 1,2), eta nabarmentzekoa da enplegu-sisteman erregistratutako hobekuntza (+% 3,3). Sistema horrek 575.890 bazkide biltzen ditu (guztizkoaren % 48,9).

[Informazio gehiago](#)



NIK aplikazio berriak pentsio-planak mugikorretik begiratzeko aukera emango du

Eusko Jaurilaritzak aplikazio mugikor bat garatu du, Euskadiko aurreikuspen-planen titular diren milioi bat pertsona baino gehiagori datu ekonomikoak erraz kontsultatzeko aukera ematen diena. App hau NIK plataforman integratutako zerbitzu publikoen lehen aplikazioa da (App Storen eta Google Playn eskuragarri dagoen zorro digitala), eta telefono mugikorraren bidez eguneratutako datuak hileroko kontsultatzea errazteko diseinatu da. Era berean, Gizarte Segurantzarekiko etorkizuneko prestazio osagarriak zenbatesteko aukera ematen du, erretiro-egoera desberdinen araberako pentsio-simulagailu baten bidez. Zerbitzu hau aurrezpena eta pentsio publikoen osagarritasuna sustatzeko apustu instituzionalaren barruan kokatzen da.

[Informazio gehiago](#)



Gizarte-aurreikuspen osagarriko sistemen erreforma fiskala onartu da

Hiru Lurralde Historikoetako Batzar Nagusiek beren zerga-sistema berrikustea onartu dute (Gipuzkoako 1/2025 Foru Araua, Bizkaiko 2/2025 Foru Araua eta Arabako 3/2025 Foru Araua), eta gizarte-aurreikuspen osagarriko sistemen zerga-araubidean onartutako aldaketak nabarmentzen dira. Hala, nabarmen hobetu da enpresen ekarpenei eta kontribuzioei nahiz prestazioak kobratzeari aplikatu dakiekeen zerga-tratamendua, batez ere errenta gisa jasotzen badira, eta, bestalde, kapital gisa jasotzen diren horien zerga-karga handitu da, nahiz eta, azken kasu horretan, araubide iragankor bat sartu den arau berria indarrean jarri aurretik egindako ekarpenetarako.

[Informazio gehiago](#)

Bizkaiak, Etorkizuna BGAEren bidez, bere enplegu-sistemaren oinarriak ezarri ditu

ETORKIZUNA Bizkaiko eraikuntza-sektoreak sustatutako enplegu BGAEa da; gaur egun, 747 enpresa ditu atxikita, eta sektoreko 6.193 bazkide. Hala ere, Batzar Nagusian adierazi da erakunde horrek Bizkaiko lurraldeko beste jarduera-sektore batzuetako enplegatuen kolektiboak txerta ditzakeela, baita hala erabakitzen duten beste lurralde batzuetako langileak ere. Ildo horretan, erakundea erreferentziazko mekanismoa bihurtu nahi da enplegu-sistemaren bidez gizarte-aurreikuspen osagarriaren estaldura eta zabalkundea handitzeko. Batzar horretan, BGAEaren estatutuak eta araudia onartu dira, eta haren zuzendaritza-batzordea izendatu da.

[Informazio gehiago](#)

Erretiro aurreratuek behera egin dute eta erretiro atzeratuek gora


Pentsioen arloan ezarritako erreformen ondoren, AIREFek erretiroa aurreratzen duten pertsonen kopurua murriztu egin dela ikusi du, eta erretiroa atzeratzen dutenen kopurua handitu egin dela. Zehazki, datu agregatuek erakusten dute 10 puntuko beherakada egon dela erretiro aurreratuetan eta joera horrek 2025ean ere jarraitzen du, eta atzeratutako erretiroen kopuruak gora egin duela, erretiro guztien % 5 baino zertxobait gutxiagotik % 11,3ra, 2025eko otsailean metatutako datuan. Hain zuzen, adierazi du gehieneko pentsioak dituzten pertsonen erretiroa aurreratzei utzi diotela eta, oro har, murriztu egin dela erretiroa hartzeko epea aurreratzen den hilabete kopurua. Gauzak horrela, erakundeak egindako kalkuluen arabera, erretiroa hartzeko benetako adina 65,2 urtetik 66,2 urtera igaroko litzateke 2035ean.

[Informazio gehiago](#)



Autoridad Independiente
de Responsabilidad Fiscal


Documentos Técnicos
Opinión sobre la Sostenibilidad de las AAPP



EIOPAk Europako enpleguko pentsio-funtsen estres testa kaleratu du

EIOPAk Europako enpleguko pentsio-funtsen estresaren bosgarren ebaluazioa jarri du abian. Aurtengo testak Europako funtsak (IORPek) jarduteko eta bilakaera ekonomiko kaltegarri bati aurre egiteko duten gaitasuna ebaluatzen du, errendimendu-kurben mugimendu azkarak eta lotutako likidezia-arriskuak oinarri hartuta. Ariketa horretan, interes-tasen igoera eta jaitziera handiak simulatzen dituzten bi agertoki hartu dira kontuan, hurrenez hurren. Bi egoera horietan, berretsi egiten da aurreikuspen ekonomikoak okertzeak finantza-merkatuetan konfiantza galtzea eta aktiboen prezioak bat-batean doitzea eragiten duela.

[Informazio gehiago](#)



Nola funtzionatzen du pentsio-planen desmetatze-faseak?

PensionsEurope erakundeak argitaratutako txostenak pentsio-planak desmetatzeko aukera nagusiak aztertzen ditu (biziarteko errentak, programatutako erretiroak (drawdown) eta oroharreko ordainketak (lump-sum), eta horietako bakoitzak arrisku kritikoei (bizitza-luzerari, inflazioari eta kapitalaren zaintzari) aurre egiteko dituzten abantailak eta eragozpenak ebaluatzen ditu. Europako herrialdeetan dauden desmetatze-estrategiak eta kasu bakoitzean aplikatutako lege-eta zerga-esparruak aztertzen ditu. Bestalde, txostenak azpimarratzen du garrantzitsua dela pertsonen informazio argia eta eskuragarria ematea erabaki informatuak hartzeko eta finantza-emaizta negatiboak saihesteko, arreta finantza-hezkuntzaren bultzadan jarritz.

[Informazio gehiago](#)



Ekonomia iraunkorrako baterako trantsizioan aurrera jarraitzea

Finantza Jasangarrien Plataformak, Europako Batzordearen organo aholku-emaileak, taxonomia berdean aurrera egiteko hainbat gomendio aurkeztu dituen txostena argitaratu du, klima-aldekarekin lotutako irizpide teknikoak eguneratzea barne. Jarduera ekonomiko jasangarri berriak sartzeari, lehendik dauden irizpideak hobetzea eta estandarrak garatzea proposatzen du, kalte nabarmenik eragiten ez dutela ziurtatzeko. Gainera, datu garrantzitsuetarako sarbidea erraztearen eta Europako esparrua nazioartean aplikagarria izango dela bermatzearren garrantzia azpimarratzen du, ekonomia iraunkorrako baterako trantsizio justua eta eraginkorra bultzatzeko helburuarekin.

[Informazio gehiago](#)



Iritzi publikoa, pentsioen erreformen arrakastaren giltzarri

Nazioarteko Diru Funtsek Monitore Fiskalaren edizio berria argitaratu du, eta bigarren kapitulua iritzi publikoaren garrantziari eskaini dio, pentsioen erreformen arrakastaren giltzarri gisa. Publikoak erreforma horiei babes emateko estrategiak aztertzen ditu; izan ere, erreforma horiek funtsezkoak dira zerga-ahultasunak murrizteko eta hazkunde inklusiboa sustatzeko. Horrela, erreformen onargarritasunaren neurri bat aurkeztu du denbora errealean, alderdi interesdunen iritziak kuantifikatzeko hizkuntza-eredu batzuen bidez. Emaitzek erakusten dute diseinuak, egutegiak, laguntza-neurriak eta gobernantzak iritzi publikoa hobetzen dutela eta anbizio handiko erreforma iraunkorrak egiten laguntzen dutela. Birbanaketa-politikek eta komunikazio estrategiok erreforma horiekiko erresistentzia arindu dezakete.

[Informazio gehiago](#)

Buletin gehiago

>> [Informazio gehiago](#)

[Euskal Autonomia Erkidegoko Gizarte Aurreikuspen Osagarriaren Behatokia](#)